

乾
隆
鄞
縣
志

鄞縣志卷五

學校

古之立學者必釋奠於先聖先師今縣有頻宮擬古侯國之制也唐以前有廟無學宋王介甫知縣事始延鄉先生杜醇入學教諸生徒自後儒風大振然宋時學官命於朝者惟郡教授耳縣學出於有司辟致不由吏部銓也元明以來教諭訓導始有定額

國朝右文稽古樂育人材鄞爲大學博士弟子之額較它縣爲多所貴司鐸得人毋蹈倚席不講之失庶不負棫樸作人之盛意哉

府學在府治北鑿橋西唐貞元四年始建夫子廟宋天禧二年徙今地

國朝順治八年重修康熙九年重建明倫堂十五年修大成殿雍正二年明倫堂毀於大風是年重建曹志乾隆五十

年知府陳鍾琛知縣錢維喬重建兩廡及櫺星門又以名

宦鄉賢二祠舊制狹陋改建廓而大之縣冊

學宮在城西南隅行春坊左延祐志

唐元和九年學建於縣之東寶慶志先是大歷六年節縣自

小溪徙治於開明橋北乾道圖經云廟在縣東半里是指開明之縣治而言也長慶初州治從小溪移來乃卽縣廟

以爲州廟開明志

宋天禧間守李夷庚移建州學於東北而廟仍屬縣慶歷中詔天下縣學士滿二百人並得立學王安石宰縣因廟爲學乃請杜醇爲師以教養弟子志崇寧二年移學於縣西南隅成於大觀三年建炎中燬於兵嘉定十三年主簿呂康年請之丞相史魯公命守俞建相地擇所以舊址隘且不利以寶雲寺西威果指揮廢營更之地凡一十五畝二角四十五步於是

先聖始有殿寶慶二年守胡榘於殿後爲講堂從祀分列於殿之前齋舍門洞各有攸處明年仲秋釋奠禮行扁其堂曰養正四齋東曰觀善曰辨志西曰習說曰敬業寶慶志元至元十九年儒學提舉田希亮增置二齋曰育英曰進

德二十六年郡城災茲學獨存次年浙東廉訪副使陳祥

撤而新之塗墍丹雘增煥聿新

延祐志

郡人王應麟記鄭在漢爲節屬會稽郡唐屬明州建夫
子廟於縣東五代改節爲節宋始立學王文公宰縣因
廟爲學教養縣之子弟風以詩書衣冠鼎盛後遷縣西
南兵燹久未復主簿呂康年請於郡相舊址泐禮殿設
跪像堂曰養正爲齋者四至元十九年增二齋二十六
年郡城災茲學巖若魯靈光斯文未墜道其泰乎二十
八年濟南陳公祥爲肅政廉訪副使分治於明崇庠序
之教明年新郡學顧邑校風摧雨圯棧楹將壓殿雖更
坐俟庫陋未合古制爰命撤舊宇而新是圖夏六月鳩
工經始規模崇闕視昔增煥縣尹張君孝安提其綱丞
王君閏捐祿米以助主簿任君謙亦贊畫焉多士競勸
佐厥費事鉅用不給檄縣以義役租續之揭石爲門六
扇有仇掄材爲殿陸棟葦飛清池泱泱芹藻春意自堂
及序以次繕修實惟禮樂之使居德善俗啟迪化原以
恢宮牆之壯觀達掖來遊誦公教澤永永無斁始教諭
趙必變庀役未克就嚴得桂繼之出私橐帥先吳應西
聯事協力既成請識石章應麟居是邦不敢以髦疾辭
惟古者百里有師教以道藝孝弟仁義斯民也三代所

與共學也間爲左右塾黨以正齒位時會於州序去民
愈近施教愈密自武城弦歌弗聞急遽絳而後教化先
政刑而後詩禮若密令舉善而教新城長延聚生徒何
其寂寥哉無以表倡之也我思古人有行部先即學宮
見諸生試論有行縣學宮處士執經對講誰其嗣之賢
使者新斯學也豈徒美宮室云爾將新士以新民也昔
鄧有杜先生醇學行望一鄉縣大夫再書然後起其書
謂斯道我先得之必推餘於古人願賜臨以爲之師其
自重難致如此師道立善人多淵源有自爲師者蓋以
爲法乎鄧士漢世僅一見虞仲翔之言可考也陸士龍
稱鄧之俗禮節恭謹蓋素履行願修其天爵是爲入德
之基進道之階自學校之建俊又興起鄉先生前後九
人其四出於鄧皆以忠信爲本踐履爲實仰高蹈景其
人若存爲士者不自勉乎師知所以教士知所以學朝
而受業晝而講貫夕而復習思無愧於儒之名前哲有
云學所以學爲人學爲君子學爲忠與孝也服膺三言
是訓是行化海瀕爲沫泗以一邑爲天下式將自吾鄧
始謹書其事誌夫敦學者式克用勸三十年秋八月壬

寅記

至大二年燬於火是冬縣丞賈思恭以廉訪副使趙宏偉

之命經營之縣尹張繼祖繼之後同知張伯廷成之

延祐志

泰定初縣尹阮申之許具瞻至正間尹宋和卿皆加修繕

嘉靖志

案許廣大字具瞻修學在至正九年非泰定初

明洪武初損四齋存二更養正堂爲明倫堂正統間守鄭

珞徙堂於殿西後剝廨宇東建文昌祠東北爲射圃成化

初守張瓚割寶雲寺隙地以廣之宏治中提學副使趙寬

守伍符徙寶雲寺而遷明倫堂於其故址建尊經閣

嘉靖志

郡人楊守陞記宏治十二年夏六月提學憲副趙公寬行部至鄞鄞學師生言曰尊聖道斥異端吾儒事也今儒學之東有佛寺聖師廟貌浮屠之居得以尙之絃誦之聲梵唄之音有以雜之揚子雲有云在門牆則靡之今異端逼邇先聖之內牆可不靡斥之乎趙公然之遂移文於郡太守伍侯屬縣令趙君經徙學東之佛寺所

謂寶雲者置戒香廢寺之址而以寶雲之址歸之學徒
明倫堂於寶雲故址而以其後餘地建尊經閣既而守
以逮職行新令曾君直克厥功先是文廟聖像坐隅
復有石像一軀相傳以爲甬東書院所遺史文靖公刻
於序拜亭者轉徙源沒久矣因浚泮池得之以寘於此
子序茂深適見之以爲塑像之隅復置石像不幾於侮
聖寶神乎因捐金以請於學官爲之漢

飾几座台奉安於尊經閣中并記之

陳琳鄭學崇正碑記聖人之道原於天而根於心正大
光明紹百王而崇萬世者也其在戰國嘗爲揚墨邪說
所導孟氏起而崇之蓋屹然矣奈何佛老之徒轉爲虛
無寂滅之教其言似是其說愈邪天下信之莫有覺其
非者自漢而唐歷宋抵元什伯其羣以誦其書金碧其
居以舍其徒崇奉之心視吾先聖或失過焉時則非無
明君賢和賢人君子生而以崇斯道然或作或輟是亦
猶杯水而救車薪之火耳我太祖高皇帝之興尊師孔
道雖畱二氏以化愚而必首儒科尾仙釋其邪正之分
己如天壤自是以來百數十年聖道愈彰凡問巷之人
少知自高莫不羞與之處而樂爲之徒者不過窮困之
民假其形骸借其左道以爲衣食之資而已豈復自知
所爲虛無寂滅者哉吾儒視之本無足較但其書未火
猶爲愚者誦習其居未廬猶與文廟並比此爲道者所

以不能不爲之憂也鄞縣學之東舊有寶雲講寺簷楹對聳莫或釐正迨泉州謝君洞來掌鄞教和州王君世昌莆田李君純分理教事生徒日衆議欲取其地而廢之時未有處之者宏治己未會邑人御史金公洪還自京師衆以公常知靖江興學校表前哲毀淫祠去邪術知慮絕倫乃以其意告之公乃毅然請行達諸督學副使趙公寬知府伍公符通判沈公希達茹公鑿推官陳公鍾知縣趙公經初議以尼戒香廢址易之卽今明倫堂尊經閣內外二門東西齋廊與堂東新號之基也且屬所司備白金餘贖今門東侵地惜乎是歲饑甚工役未與遂致所侵之地未能復也既而吉水曾公直來知鄞事加樞戶之飾坊塙之功然後事漸完焉嗚呼成立之難豈不信耶雖然昔孔子獵較孟子謂之爲兆金公是舉殆亦闕邪崇正之兆歟歲月悠悠星更七易與事之賢既多遷轉而李君純亦將有行恐金公之績久而或泯故謀諸生具述來求予文以壽諸石云正德元年丙寅正月丁未記

居瀟修學碑記吾鄞先聖廟始於唐學始於宋在邑之東遷於邑之西南燬於兵又遷於今所廟居中而南節經修建至今闕壯崇麗氣象如新學在廟後我朝正統中遷於西偏而以舊址建學官廡舍然學之規模庫

陸弗稱且歲久將圯師生保殘守節此誠雨而已其
地商通猶循西北逼軍營東逼寶雲講寺成化丙戌因
射圃計其割其隙地以廣之亦不足以行財禮有司每
欲開拓計無所施先是寺僧有如璋者從佛教亦通
儒術有口老佛與素王立教不同然殿宇左右並峙門
徑出入參雜甚非所宜安得僻靜處移乎此念屢與
商余得其地乃密治己未春如璋出定與其徒二三人
東行至竹湖坊見廢寺基一所乃喜曰吾輩若得此可
以安處矣既而以其意告於教諭謝君調尊王君李君
與李君之適欽命提督學政憲副趙公按節於鄧師生
遂請其軍於公公欣然許之即屬之於郡守伍公曰此
予心也乃命梓人具圖以獻各有攸處人以爲中式通
判公見之曰御賜典藉其存天下儒學多有尊經閣
此書獨無可乎堂北有地我當補之於是衆工交作明
年歲內伍公成之曰民方艱食工勿亟又明年歲復凶
王乃假壬戌大總工役始復前此同知俞公通判康公
推守陳公先後還籌以資不遠邑佐黃君程君教諭林
君和繼而至各贊襄之由是輪奐巍峩金碧輝映氣象
比舊什伯矣癸亥秋憲副趙公復至見之謂伍公曰此
足見治材也稱許不容口乃進師生訓飭之餘命徵子
言以紀

其成

嘉靖庚寅易聖像以木主建啟聖祠於明倫堂東時令黃
仁山董其事又浚學門外視池立以文峰癸巳令趙民順
復飾啟聖祠敬一亭辛丑守沈愷於儀門右視隙地立聚
奎亭亭後有號舍四十餘間乃積漸毀廢鞠爲蔬圃丁巳
令曾承芳立名宦鄉賢二祠於禮門左右甲寅秋令夏儒
用號舍地改翔名宦鄉賢二祠嘉靖志萬歷十五年守蔡貴
易重修教諭金文相重建文昌閣丙申令翁憲祥重修丞

江輔程其事

李志

余寅記維鄧負滄海之沃若與名山之崔巍爰品爰灑
是爲阜蕃博頤亮烈彥豪之識背贊乎儲之煌煌乎泰
壤哉物久則張泮宮云地緊巖及閣無論廊舍與俱傾
靡彼芹盈其注馨香不起赫赫聖師懼不欲祀如林多
士奔走喟語於是海虞翁令君揆斯事大有舉莫先庀
良斥羨圃維厚全瓊觀二三傑曰惟江丞足肩丞亦若

砥惟令君之使惟夙夜是矢庸媚於夫子鞠既躬只靈亦庇只適奏成事塢始於柔兆浹灘備於明年之作靈於是三博士稽首若搏指石而請曰庶以託乎寅謁蹟謝不敢闕曰夫子在何妄之云則不可拜手申其大都今夫士過夫子廟門未有不張拱走趨者也至於訓言周旋之弗如是棄儒也夫少者諛壯者論老者憲是無不依於孝弟本天情以爲域而遵人網以爲衛是故可以履后土對上帝號其人曰敬以參海嶠不亦大乎是諸生所自職也是後也巡海萊蕪吳公鴻洙首許之凡計錄三千八百郡將閩吳公附以什之一遂以集三博士徐公執自姑蔑周士榮自粵余朝選自太末江丞名縞廣之長寧人去而宰令山令君名憲祥德久彌光明且在交戟之班天雖高德賜我環乎於是又明年之上元日也人余寅謹記樹之邑之賢關

萬歷四十一年癸丑令江秉謙重修儒學周應賓記其事已未令沈猶龍重修殿廡及啟聖祠崇禎甲戌邑博士弟子錢肅樂等重修廟廡及櫺星門明倫堂煥然一新有石

記在廟門之左壁

志聞

國朝順治四年令董大翮修葺殿廡及明倫堂康熙三年
令張幼學率邑中紳衿重修時名宦鄉賢二祠傾圮奉其

主於儀門左右塾祀幼學自爲記

聞志

張幼學記鄞故有學歲久弗葺門廡講堂傾圮殆盡槎
朽古柏皆數百年物摧爲枯薪先師廟亦上濕下蒸風
雨帝薇余吏鄞謀所以興復之適郡侯崔公至亟議其
事諸生咸曰邑進士張士墳之父遐勲嘗願出其私財
以資營築第費鉅恐不勝也學有山在灌頂山廣而欽
藩若復其役而核其稅則不煩而事畢舉再不足請咸
輸助以佐厥成余因以山悅請之督撫兩臺而以張君
進勳意上之郡咸報曰可遂經始於康熙三年歷四載
而告成殿廡肅穆翼以兩廡儀門軒豁論堂崇闕啟聖
有誦既安既享凡仕於斯與生於斯者功德昭著絜蠶
不廢而又以其餘力發泮池綠周垣焉嗚呼可謂功鉅
而力勞矣余聞宋王荆公爲令時請杜先生主教事鄞
士以興同一令耳古人得以延致師儒而今人至不能
獨任興復之事其故何也昔之爲吏者意常行於法之
外而後之爲吏者每拘牽於文法非事之難成蓋其勢
不同也佛老之宮金碧是矚而泉刀竹石不脛而集其

徒以福田利益之說誘惑愚民而吾夫子之道不計其利不謀其功故人之崇飾佛老也甚於庠序然則今日之興復豈無所利而爲之者哉夫無所利而爲之之心不特可以集事而實正學之所由興也故予樂爲之記

康熙二十二年令汪源澤捐俸重修廟堂門廡建復禮門

暨尊經文昌二閣

閩志

陳錫綬記稽鄞自唐大歷間尚名鄞從小溪徙治於開明坊距其東半里始立夫子廟及長慶併徙明州治乃卽縣廟以爲州廟迨宋天禧間別建州學於東北而廟仍屬縣猶不得稱學也慶歷七年王文公爲宰因廟立學請慈谿杜先生醇爲師以教養子弟厥後凡再遷而始定今址由宋元歷明經修可紀者一十有九人文蔚乎楹矣

聖朝鼎興首重學校多士沐被菁莪而掄魁振五百年未有之盛時則有蘭陵董侯大翻海陵張侯幼學後先修葺其廢墜迄今又二十餘載而傾圮莫理歲癸亥黃海汪侯來蒞下車晉謁顧瞻內外慨然曰迪教之本不修司土者之責也遂與博士金君永焜虞君景堯詔諸生戴馨輩謀所以新之於是漸次捐俸鳩工庀材首葺殿廡繼之檣星鬢門及周園宮牆粉復禮門及尊經文

昌閣而明倫堂亦補敝填漏徐建東西兩坊則撓者翼然啟者卓然缺者黜者稠然奐然且日程月試絃誦之聲藹然芹藻之色斐然莫不頌侯敦古淑原緝天衷民彝之統而詩書道德所以學爲人學爲君子者惟聖賢是式將見蹈中和服仁義故家之遺風篤行之懿範端藉乎賢令君師帥綱維以上承聖天子之睿德非徒飭堅炳采以務新其儀觀也侯名源澤字天門江南江都籍歙縣人鄉貢進士政美逾花文明軼錦紀不勝書特著此爲與教之本而虞君經畫獨勞並勒諸貞石俾後之來者知所勸焉

二十四年

聖祖仁皇帝御書萬世師表匾額懸於廟二十五年

御製先師孔子贊及顏曾思孟四子贊並序頒行天下府

學縣學勒石置碑

浙江通志

四十一年

御製訓飭士子文頒行學宮五十二年守李肅捐募修廟

雍正三年

御書生民未有額懸大成殿五年知府孫詔令楊懿教諭
沈廷桂協同紳士重修八年守曹秉仁重修周圍垣墻煥
然一新曹志

乾隆三年大成殿

詔易黃瓦恭懸

御書與天地參額四十六年知縣錢維喬重建明倫堂啟
聖宮并修葺大成殿及巽門儀門大門圍墻學政王杰爲

文記之

縣冊

王杰鄞縣重修學宮記浙之領郡凡十有一寧波在東
南大海之濱水趨二浹山壑四懸勢盤靈結蔚爲人文
雖賢哲鍾之自天而莫不成之於學勤之爲邑尤其甲
也邑之有

至聖廟建於唐元和時宋王半山爲宰乃卽廟爲學嘉
定中主簿呂康年復拓其基址自元迄明屢有增修至

我朝康熙五十二年葺之雍正五年再葺之今五十餘載矣武進錢君維喬來宰是邑復謀所以修繕之鄞濱海風颯而潮濕兼以年歲久遠令長或視爲非務之急於是寢以傾圮而益不可治錢君以經術飾吏事者也其於學之修也知先務之爲急焉乃經營計畫捐廉俸以倡而助之者咸鼓舞歡欣各率其私財無吝愛自大成殿崇聖祠至門庭廊廡檣楹森聳階城砥平巍巍然翼翼然規制式增塗墍完固功既訖欲余一言以誌顛末余自辛卯至辛丑一紀之中於浙東西提學者三典試者一而於都人士未有所以益之心滋愧焉是固不能已於言也且鄞自有宋以來羣儒輩起照耀史冊者林立也至今譽髦類多勤記誦研經義發爲文章矣顧庠序之有材德行爲本誠使祭菜鼓篋者翕然有志於學希風望表前哲匪遙如高氏抑崇之宗程實有得於中庸之聖賢淵源如袁氏和叔之師陸寶有見於人心與天地一本不勦說以黨同不抗論以伐異由是出其緒餘爲王默齋袁清容之文藝見諸經濟爲豐清敏陳文介史文惠樓官獻之功勳孰非木之以出者乎國家釀化涵濡已百有餘年鄞固才藪又得賢有司以提倡之奚啻赤堇而與以鎔鈞也哉是則錢君之所以厚望於鄞亦余數年以來自愧力所不逮庶幾旦暮遇

之尤爲快觀而樂道者又何敢以不文辭是役也經始於某年某月告竣於某年某月計糜白金若干兩有奇鳩工庀材則邑之某某司其役附書於石以爲後人勸

先師廟三間兩廡東西各八間廟門三間前爲泮池上有

石橋池皆石甃其外爲鬻門

志問

祭器

銅爵十九

錫登一

個計重

三觔十三

兩錫

爵十八

隻共重五

十四

個共重

五十四

觔錫

簋十六

個共重

五十七

觔

計重

七觔

錫壺

五個

并杓

共重

二十七

觔

香爐

五個

錫花

瓶一對

共重

二十四

觔

錫燭

五觔

中錫

花瓶

一對

共重

二十四

觔

錫燭

十六

個共重

十六

觔

小錫

燭臺

十六

對共重

錫

籩九

十六

個共重

一百

八十四

觔

錫豆

個共重

二百

觔

牲俎

三架

八十四

觔

錫豆

樂器

琴四

張瑟

二張

簫四

枝壎

二個

笛四

金龍

旒一副

琵琶

二張

簫四

枝壎

二個

笛四

面節

三枝

銅鐘

十六

口敵

一座

石磬

十五

部系

志

卷

五

學校

志

七

舞

十四面

啟聖宮在明倫堂東

聞志

明倫堂在大成殿東

聞志

尊經閣在明倫堂北

聞志

頒貯書籍

上諭入部

聖訓二部

上諭一本

聖諭廣訓一本

欽定訓飭州縣規條一本

欽定訓飭州縣規條一本

上諭一

御製平定同部碑文一道

御製平定金川碑文一道

御製平定準噶爾碑文一道

御製詩初集一部計二十四本

平定青海碑文一道

御製詩二集一部計四十二本

御製朋黨論一本 刺惡詩集二本 儀注一本

律例一部計二十本 學宮儀物撮要一本 周易折

中九部每部計十二本 詩經傳說彙纂十部每部計

二十四部本 尚書傳說彙纂十部每部計十六本 春

秋傳說彙纂十部每部計二十四本 朱子全書八部

每部計三十二本 性理精義九部每部計五本 十

三經一部計一十二套 廿一史一部計三十套 宏

簡錄一部計八套 明史一部共一百十二本

欽定四書文集一部 浙省冊結程式二部 學政全書二

御製盛京賦一本 通鑑竊目二部 資治通鑑綱目三編

一部每部六本 續增學政全書二部共四本 三禮義

疏書一部 樂善堂全集定本一部 己卯庚辰會墨

卷十部 詩義折中一部 周易述義一部 春秋直

解一部以上三書共二十本 周易述義一部 共計四

本 浙江省文職支食俸廉章程例冊一本

御製詩三集一部 欽定武英殿聚珍版程式等書計七本共十種 重刊武

英殿聚珍版等書計八本共十種

平定金川滿漢碑文

御製擬白居易新樂府二部共四本

御製擬白居易新樂府二部共四本

御製擬白居易新樂府二部共四本

御製擬白居易新樂府二部共四本

御製擬白居易新樂府二部共四本

文昌閣在學門東

志

射圃在文昌祠東北今圯

志

土地祠在儀門東

志

名宦祠在廟門東祀唐陸南金王元暉宋李夷庚方軫王
安石明冷麟寇天敘江秉謙翁憲祥劉翺鄒希賢柯景蔡
貴易戴新游應乾張茂頤周良賓林元王章許豸

國朝楊之柄王爾祿張杰朱昌祚范承謨李之芳王隲李
塞白理邱業胡承祖王世臣

曹志

嵇曾筠李衛張幼學汪廉

楊懿朱軾喀爾吉善

新志

鄉賢祠在廟門西祀漢黃公任奕唐賀知章黃晟宋王致
王說樓郁豐稷高閑陳禾魏杞楊簡汪大猷陳居仁樓鑰

沈煥袁燮林保舒璘林暉高元之樓昉史彌鞏袁甫陳埴
王應麟袁鏞元袁桷程端禮程端學明鄭真陳本深鄭本
忠謝升張楷黃潤玉戴浩陸瑜楊守陳董琳毛宏楊守隨
楊守陟屠瀟朱瑄楊文卿張曷楊茂元王瑫李堂陳槐陸
偁張邦奇張泮聞淵屠僑王應鵬柴經余本黃宗明謝汝
儀楊言李循義王相陸鈇陳侃沈汝璋李維孝屠大山張
時徹全元立余永麟范欽范鉅汪鏗張淵張子瑫黃元恭
李承嗣李承采陳大章朱泰管大勳趙龍趙參魯徐應奎
林可成余有丁沈一貫高萃邵城李生威余寅李先嘉周
保陸大漳陸懋龍沈一中徐待董樾周應賓丁繼嗣王佐
林祖述周天覺周應治周應浙全天敘水卿謨傅光前葛

文炳范鈞陳言范大濩范大澈范汝梓李德先葛仁美李
遵項良梓李康先陸世科黃景章李櫛董應奎殷宗輔陳
良謨豐建水佳允謝一爵謝三賓林文燮沈泰籓余繩訓
謝于宜周元孚萬泰

國朝黃鼎盛范大冲范光遠范汝材范汝楠范光文范光
遇范光華范汝樺范廷元范廷魁黃象雍胡世卿胡文學
史起揚張羽儀陳貞袁時中謝三台史大成陳錫嘏戎上
德陳鴻績徐懋昭董允瑄黃宏道范茂松謝于道黃斐萬
斯選左應斗仇奠邦仇金粟仇遵道屠粹忠董允懌萬斯
大陳汝咸萬斯同陳鵬起胡德邁邵岳斗毛雲鵠柯之任
周揚以上曹志錢奐錢瓚董鎰聞澤范鎬徐時進李標高斗樞

徐之垣葛世振錢啟忠錢肅樂范大捷戎觀化屠維灝

聞志

忠義孝弟祠雍正四年建祀本縣孝子朱金誥范洪震陶

顯曾李景濂李秉誠董道權等

新

節孝祠雍正四年建祀本縣節婦李何氏等三百餘人

新

學田明萬歷三十九年府判李文華署縣事置田二十一

畝零四十年邑令江秉謙置田一十四畝零崇禎三年郡

守陳之美置田四十一畝三分零解府賑給貧士

國朝順治十八年鄞生員郭鉉仁等助田五畝二分零康

熙四年邑令張幼學斷贍學地八分九釐祀土地祠

曹志

學田租銀

一縣

翔字號田五畝

一都

翔字號田六畝

一都

翔字號田三畝

一都

坐落奉化縣

一都

翔字號田一十二畝

一都

翔字號田一十二畝

一都

翔字號田三畝

一都

六毫二絲八忽坐落鄞縣二十三都一畝一能字號

田六畝二分六毫二絲一忽坐落鄞縣二十六都四畝

一能字號田三畝六分三釐七毫六絲坐落鄞縣二十

六都四畝一能字號田三畝四分八釐坐落鄞縣二十

十六都四畝一作字號田六畝七分八釐坐落鄞縣三十

都五畝一作字號田一畝六分三釐四毫坐落鄞縣三十

三十都五畝一作字號田三分坐落鄞縣三十一都

二畝一作字號田八分坐落鄞縣三十一都二畝

一賢字號田二畝二分坐落鄞縣三十都五畝一賢

字號田一畝五分坐落鄞縣三十一都二畝一得字

號田三畝三分坐落鄞縣二十六都二畝一得字號

田八分五釐三毫一絲二忽坐落鄞縣二十六都二畝

一讓字號田四畝三分坐落鄞縣六都一畝一沛

字號田九畝六分四釐五毫坐落鄞縣五十都三畝

一詠字號田四畝四分九釐四毫坐落鄞縣四十四都

五畝一斯字號地八分九釐坐落鄞縣三十九都二

畝

以上共田地七十八畝二分九釐一毫二絲一忽每畝

無論豐歉向例額徵租銀三錢共該租銀二十三兩四

錢九分又奉憲委員踏田確查詳定加租銀共一十兩

五錢六分三釐二共租銀三十四兩零五分三釐除佃

人扣納錢銀六兩四分七釐秋米一石三斗一升四合

計折銀一兩五錢六分五釐外實收租銀二十六兩四錢四分一釐 一支銀八兩五錢七分於年終批解本府賑給府鄞兩學貧生動用 一支銀三兩三錢於三月初三日備辦牲醴致祭文昌帝君動用 一支銀一十三兩三錢七分一釐為生員每月課試供給卷費動用 一支銀一兩二錢學中土地祠祭祀動用 一立字號田五畝二分二釐五毫坐落鄞縣三十一都四畝除個人扣納錢糧秋米外實收租銀二兩三錢一分三釐 支給學中土地祠祭祀動用 一終字號田八畝坐落鄞縣四十二都二畝額徵租穀四百斤係詳定府縣兩學輪值收租除投納錢糧八錢五分秋米一斗一升二合外餘銀為修葺學宮滲漏加用 五之

學山見在一萬四百三十八畝五分二釐歲徵正稅銀六十九兩五分二釐解藩庫收轉解學院為賑給貧生之用歲徵加稅銀三十四兩五錢二分六釐分給府鄞兩學為修葺學宮之用又知府戴新置薛銘山一十八畝五分松

木聽該學拊賣皆以贍貧士

官制明時設教諭一人訓導二人廩膳生二十員增廣生二十員附學無常額吏典一人間歲以廩生一人循次應貢

國朝如前制順治十七年始併歲科兩試爲一入學定爲一十五人康熙元年裁訓導但存教諭一人并停歲貢九年復行貢法十五年復訓導一員新進額止四人捐納入學者不限額十九年增額一十五人二十二年停捐納二十八年增至二十人雍正四年增額至二十五人

以上曹志

書院

附

書院之名助於宋蓋鄉士大夫所建嵩陽應天嶽

麓鹿洞其尤著也南渡以後理學大闡而所在多立書院教授生徒然山長皆自有司延辟不爲定員至元而山長皆奉朝命矣鄞在元惟鄞山東湖嘗設山長其餘祇爲奉祀先賢之地名爲書院實卽祠也明不立山長之官遺址亦皆毀廢

國朝崇儒右文旣於省會之地發帑金建書院院長皆請命於

朝而延致之郡縣守令亦多以振興文教爲先四明則月湖書院地偏境幽於誦絃尤宜且慈湖竹洲遺風未遠較之鄞山東湖規制尤詳備矣

甬東書院宋相鄭清之建以祀其師迂齋先生樓昉理宗

賜御書額舊在僧寺之側至元二十八年僧撤去教授吳

宗彥復立張斌橋側設主奉二員以掌之

延祐志

久圯

浙江通志

桃源書院在縣西三十里宋王說家塾也神宗御書桃源

書院四字賜之尋廢其後人復改築於城西十五里

浙江通志

菊坡書院在縣治東宋樞密陳清敏卓建

浙江通志

鄒山書院在縣西五里元大德二年趙壽建以奉朱文公

以其大父善待嘗從文公游也別業一區爲祠割田一頃

以贍延山長以主之

延祐志

今廢

嘉靖志

東湖義學在縣東三十里元邑人陸居敬與弟思誠初立

天歷元年落成割田百六十畝以充廩稍元帥王本齋名

之曰東湖書院

至正續志

今廢

王圻續考

通考

鄞江書院在府治西今廢其址後爲寧波衛

王圻續通考

案此在府治東南獅子橋東北以故鄞江門得名

元季儒者張式民建舊志在府治西訛

魯齋書院在城西南隅吳家巷元浙東道都元帥鎖南班

建以祀許文正公衡

至正續志今廢

成化志

月湖書院本名義田書院在郡治月湖西廣盈倉基

國朝順治十年海道副使王爾祿建奉祀紫陽朱子置義

田百餘畝歲給貧士

浙江通志

康熙二十五年知府李煦重建

大門中門講堂敞樓書舍改名月湖書院延義師一人訓

民間子弟無力從師者歲以義田租穀四千斤爲義師修

脯四百斤爲看守書院人工食餘抵納條糧外存貯爲修

葺書院并賑給貧士之用後漸就頽廢雍正五年知府孫
詔重修八年知府曹秉仁重修正廳額曰潤業堂又新建
講堂五間額曰舍經味道照廳五間額曰進修齋又北首
建書舍九間南首添建書舍一間門堂廊廡墻垣以次葺
治於九年春竣工曹志乾隆三十四年始延請院長掌教事
歲支脩膳銀二百六十兩又設監院一員以府學教授兼
之額設內肄業生員十二名童生八名日給膏火銀四分
外肄業生員十八名童生二十二名每月初八廿三日巡
道本府輪流課試初三十八日本院課試校其文義之優
劣而進退之每歲二月初開館十一月底散館肄業生童
膏火以十箇月計算又設內廚夫一名水火夫一名外廚

夫一名門役一名三十六年更定內肄業生員二十名童
生十名日給膏火銀五分外肄業生員二十名童生十名
書院經費鄞縣一都五十都義田一百三十六畝零每年
完納條銀秋米外實收租錢約一百八十千文慈谿縣三
十都字號塗地一千三百九十畝五分零宙字號塗地
一千五百八十七畝七分零每年完納條銀秋米外實收
租錢五百八十八千五百九十九文係慈谿縣徵收解府應用每年書院
經費錢七百六十三千九百八十文原收租息不敷隨時

捐辦

府冊

育才書院在醋務橋西康熙三十六年知府高啟桂建今

廢

曹志

公署

有官則有署說文署部署有所網屬也官府之政
統於一尊若網之在綱故其字从网漢人謂之寺
六朝人或謂之廨其爲蒞官行法之地則一也鄴
爲郡守所治而文武重臣駐節於此較之他郡體
統尤壯唐宋郡治今爲巡道署縣治亦已屢易別
見古蹟門

提督公署在城南紫薇街

明大學士沈一貫故宅

康熙八年建東西

列戟爲轅門前爲大門進內爲二門爲甬道中爲大堂上
奉

御書扁額曰篤忱堂又

御書樂善不倦四字

御書寬惠赴桓四字均奉懸正楹大堂之東曰敬事堂爲間三中奉

御碑一座上書干城二字西曰西廳恭奉

御書秉心誠悃四字傍有書室六間進內爲二堂中奉

御書重鎮二字進後正樓五間翼以兩廂二堂之西曰雙桂廳爲間三又西爲箭廳前後羣房四十餘間大堂之右爲各曹吏舍二門外東爲土地祠轅門左右爲文武官候

廳

浙江通志

分巡寧紹台道公署在城西北永豐街

明初爲提舉市舶司後改巡視海道

署正廳五間左右廊房各十一間前爲儀門三間左土地

祠又前爲大門左官廳等屋十間右號房等屋五間外爲臺建牙旗左右鼓吹亭各一東西兩轅門正南爲照墻墻南右爲榜廊廳後二思堂五間左右廊房各五間廊房左右又各餘屋三間堂東爲宅門左右各屋三間內衙五間又後內衙五間左爲庖屋左之北爲土地祠宅門之南書屋三間稍左又餘屋三間堂北有土山山右又小山一建亭其上亭前爲蓮花池直西一帶爲箭道北有演武廳三間

國朝雍正八年巡道孫詔重修

曹志

督學行署在府治西南

舊爲察院行臺

中爲正廳五間簷廳三間

左右吏役房十間前爲儀門門旁爲土神祠又前爲大門

東西兩轅門面南爲照牆廳後爲川堂堂西書室六間後爲內衙五間旁庖屋五間雍正九年督學李清植知府曹秉仁增建東西考棚屋十八間甬道考棚屋八間堂後增

建照廳五間軒廳三間

曹志

海關行署在府治南

舊理刑館地

康熙二十四年浙江設滿漢

海稅監督一員筆帖式一員六十一年奉

旨以巡撫兼理自後或委同知通判監收或委道府監收

俱由巡撫題委

浙江通志

乾隆元年以後專委寧紹台道護理

中爲正廳五間簷廳三間兩旁廊屋各五間前爲儀門又前爲大門門左爲土地祠東西兩轅門面南爲照牆後爲川堂又後爲內衙計六間書室三間雍正五年護關事知

府江承玠捐造庖屋三間東北內署前後共八間

曹志

寧波府治在西北七畝舊在寧波衛治所

卽今永豐街

元大德

間改爲浙東道都元帥府乃徙今治明洪武初守張琪拓

白衣寺址爲各官宅廨

今知府宅柳巷同知通判宅及推官經歷照磨知事等宅廢址皆是

正統四年守鄭珞構堂宇亭庫名正廳曰正心天順間守

陸阜題燕堂曰退思成化二年守方達立承流宣化二坊

嘉靖二十九年守沈愷榜川堂曰靜思二十五年守魏良

貴重建正廳曰甘雨川堂曰如心

國朝因之中爲正廳凡五間

舊左有經歷廳右有照壁廳今俱圮經歷署另遷小教場

北照壁

東西列曹吏房科各十四間前爲露臺臺上簷廳

五間更前爲戒石亭亭南爲儀門門左爲賓賓館

名奎聚廳雍正

九年知府曹前爲甬道東爲土地祠又前爲大門拱以雙

表左曰承流右曰宣化面爲屏牆堂右爲宏濟庫旁設庫房三間雍正

九年知府曹又軍器庫三間堂後爲川堂川堂後爲洗心

堂直北爲

御書樓一座前知府甘國璧建其後卽府山自儀門東折跨小橋而北爲

柳巷雍正八年知府曹秉仁夾植桃柳并大堂甬道共百餘株北爲知府宅南左爲

同知宅南右爲通判宅舊有兩通判宅今廢其一并推官經歷知事照磨等宅俱缺裁久廢

知府宅中爲正廳五間扁曰敦本興讓兩旁耳房各三間

前爲二門左右附屋七間東四西三又前爲大門廳左爲舒嘯

亭舊名古香亭前守尙瑤更今名亭北書室三間榜曰古松書屋西北爲

府山旁有叢碧軒前守盧承恩建廳後堂五間內宅五間樓五間

左爲庖屋右書室六間右北小書室三間再北又三間

曹志

同知署舊名清軍館在府照牆南久圯地并在縣東九十

里大嵩城九峰山下今移駐府治內左偏

曹志

通判署在府治內左偏舊設兩通判一名督糧館在察院

關筆帖式署一爲海倉館在靈

橋門內久圯今爲倉廩曹志

鄞縣治故在開明橋北元改爲廉訪分司署皇慶間復舊

至正中移行春坊明洪武初又徙於迎鳳坊六年令楊仲

珪移建今地

係乾符竹林二寺廢址

中爲正廳三間名忠愛堂今前

有古栢八株東西列曹吏房科二十八間前爲露臺又前

爲戒石牌又前爲儀門凡三間門之西爲獄禁四周各三

間外東爲土地祠西爲迎賓館

今圯

外爲大門前及左右皆

樹坊表正廳後爲川堂凡三間堂左右爲庫其後爲宅門

門內堂三間亦稱二堂榜曰甘露堂摹張卽之書東西爲耳房

後堂三間亦稱三堂其後爲內宅後堂之東書齋三間題曰餐

柏聞志載署舊有古柏一株明知縣王章作餐柏亭於旁稍後書齋曰小林樓題知縣錢維喬改題齋名以存古蹟

稍後書齋曰小林樓題知縣錢維喬新增

縣丞署在縣治大堂左偏聞志

典史署在縣治大堂右偏聞志

城守營都司署在東北四岳東渡門內舊在府治南理刑館康熙二十八年

改建海關署乃遷於今所即前明布政分司址也新增

城守營守備署在東北三岳開明橋橫街新

中營參將署在西南十五岳月湖橋新

中營守備署在西南十三畝三板橋

新

左營游擊署在東南八畝小沙泥街

新

左營守備署在東南七畝大沙泥街

新

右營游擊署在東北一畝小梁街

新

右營守備署在東北一畝小梁街

新

後營游擊署在西南十四畝馬衙漕

新

後營守備署在西南十四畝馬衙漕

新

前營游擊署在西南十四畝扒沙巷

新

前營守備署在大嵩所現駐城內壽昌寺

新

經歷司署在西北一畝小教場演武廳東

舊廳在府大堂東偏宅在推官

宅之南

久圯 正廳三間前爲大門旁爲土地祠後爲川堂堂後

書室一間內宅五間

曹志

司獄司在西北三畝鼓樓左正廳三間後爲川堂堂東爲獄官廨廨東爲土地祠又東爲囚舍外爲總門

曹志

大嵩場鹽課司在十一都三畝大嵩城

曹志

杖錫巡檢司康熙四十七年置公署在三十八都二畝距城百餘里今圯寓城中永豐坊

蘇增

四明驛丞署在城東一畝桃花渡本甬東巡檢司後裁去

移驛丞駐其地

新增

醫學 陰陽學 僧會司 道會司

皆無署曹志

常平倉

係海倉館舊址

在縣東靈橋門內舊名餘米倉共厰舍四

十三間官廳三間儀門三間乾隆二十年改名常平倉添

建倉廩四十二間大門一間四十二年添建廩屋四間

縣冊

社倉在湖西小倉前

係縣倉舊址

乾隆二十六年建倉七間二

十九年添建倉六間大門三間

縣冊

育嬰堂在永豐門內佑聖觀左乾隆元年建大門廳堂羣房共二十四間周圍基地一百零七丈五尺大學士兼總督嵇曾筠題其扁曰教成保赤四十年添建房屋八十六間四十八年因歲久圯損興工大修并添建土地祠三間俱係動支息錢報銷

縣冊

案嬰堂經費由縣發商生息現存本銀及歷年息

銀共一萬三百兩有零捐置田二百九畝有零又房屋一十八間一庫每年租銀五十八兩四錢九

分五釐又塗田八十七畝每畝租米三斗又塗地四十七畝每年租銀六兩七錢五分五釐又乾隆四十年間詳定每年鄞邑捐乳米三十八石四斗慈奉鎮象定五邑各捐乳米三十六石其每月給發乳婦嬰孩口糧藥餌一切向設董事一名並委員稽查以杜浮冒扣剋

養濟院在甬東四岳七塔寺後康熙五十二年原建房屋三十七間乾隆五年添建二十七間四十六年因風潮坍壞六間現存五十八間每年損漏係經管鄉耆動用院內舊置田一十四畝七分租息小修正額孤貧三百名每名按月給銀三錢五分於地丁項下領給浮額孤貧十名每

名按月給銀一錢三分六釐有零於耗羨項下領給

縣冊

蕪湖縣志卷五終

鄞縣志卷六

田賦

賦役惟唐之租庸調爲近古蓋有田則有租有戶則有調有身則有庸合於古者布縷粟米力役之遺意自楊炎更爲兩稅而後代因之宋時夏稅曰紬絹綿秋稅曰苗米又有和買折變之目此外免役身丁砂岸河渡樓店務諸名皆無藝之征也元之夏秋二稅略與宋同明時夏稅秋糧爲正賦而又別有里甲均徭雜役均徭又分銀力二差其後又稱四差嘉靖以後行一條鞭法而民困少蘇自是條鞭之銀遂成正賦矣天崇之際軍興加派而

民不堪命遂成土崩瓦解之勢

國朝定鼎之始盡除明季額外之徵

欽定賦役全書頒行天下人丁以康熙五十年冊爲常額
嗣後滋生人丁永不加賦雍正四年復以丁賦攤
入地糧而民間無編審之擾我

皇上御極以來軫念民依蠲免地丁正賦者三蠲免漕糧
者再

深仁厚澤漸被海宇百姓生長仁壽之域何其幸歟

宋鄞縣田七十四萬六千二十九畝有奇地一十四萬九
千五畝有奇山九十萬二千六十四畝有奇夏稅絹二萬
四百四十二匹有奇

其目有二曰
正稅曰和買

紬六千二百八十六匹

有奇

亦有正稅和買之分

綿四萬九千八百一十兩有奇皆有折變

有本色秋稅苗米四萬三千一百二十一碩有奇亦有折

變有本色

據寶慶志

元延祐中鄞縣官田五百二十六頃六十一畝有奇秋糧米三萬五千一百三十九碩有奇鈔二十六定三十一兩有奇民田三千八百四十七頃二十畝有奇秋糧米三萬三百四十五碩有奇鈔三兩有奇夏稅鈔凡一千六百六定三十二兩有奇其免租者曰窳戶曰水馬戶曰弓手戶曰職田曰僧道田其役曰弓兵曰獄卒曰衙前據延祐志

至正中官民田地山蕩池漕凡七千二百八頃七十九畝有奇秋糧米六萬四百八十八碩有奇鈔二十八定四十

八兩有奇夏稅鈔一千六百六定有奇凡役弓兵六十五名獄卒五名衙前祇候曳刺一十二名

據至正續志

明初定制一以黃冊爲準冊有丁有田丁有役田有租租曰夏稅曰秋糧凡二等夏稅無過八月秋糧無過明年二月丁曰成丁曰未成丁凡二等民始生籍其名曰不成丁年十六曰成丁成丁而役六十而免又有職役優免者役曰里甲曰均徭曰雜役凡三等以戶計曰甲役以丁計曰徭役上命非時曰雜役皆有力役有雇役府州縣驗冊丁口多寡事產厚薄以均適其力以三事定均徭曰銀差曰力差曰馬差其兩稅夏稅曰麥曰錢鈔曰絹秋糧曰米曰錢鈔曰絹宏治萬歷間小有所增損大約以米麥爲主而

絲絹與鈔次之

明史食貨志

明初信國公湯和大計寧郡之田而尺籍之編爲排花
鱗次而不可亂其稅則上下其田之則而差之凡民田
之重者畝六升而輕者纔一升有奇蓋以田之肥瘠爲
則而未必一一皆中間之故老云鄞田翔鳳鄉最肥往
時信國量田民故決湖滄其田信國謂爲水鄉特輕其
稅畝升八合有奇卽此知科則之重輕亦非平賦之準
也

田始占於寺曰僧田始占於觀曰道田始入於官佃之
民而官收其租曰官田今此三田皆散於編氓而戶占
之矣卽如廣德湖之官田遠自宋宣和間官收其租以

爲公費今之稅額卽當時之租額也易而元明仍其額則因宋之佃租以爲稅法其他均一鄉也而肥瘠頓殊隔一塍也而上下特異此可不爲之變通哉故嘗約鄞之官田得民僧道田六之一統而均之不過稍益民僧道田之稅額而官田之重稅可辦矣嘉靖辛卯間鄞令黃仁山嘗欲舉此而不果云

二稅有本色則輸米麥有折京則輸銀解京而秋米本色自嘉靖初以轉輸海倉不便且海下官兵又便於得銀故復半爲本色半爲折銀

價石五錢五分

貯之府庫按時而

給謂之府折

以上嘉靖志田賦書

嘉靖後行一條鞭法以府州縣十歲中兩歲運存之額均

徭里甲土貢僱募加銀之額通爲一條總徵而均支之

明史

志

食貨

賦役之法未有善於條鞭者也條鞭有十利通輕重苦樂於一里十甲之中則丁糧均而徭戶不苦難一也法當優免者不得割他地以私蔭二也錢輸於官而需索不行三也又折閱不賠累四也合銀力二差竝公私諸費則一人無叢役五也去正副二戶則貧富平六也且承稟有制而侵漁無所穴七也官給銀於募人而募人不得反覆抑勒八也富者無弛擔而貧者無加額九也銀有定例則冊籍清而詭寄無所容十也有此十利所以百姓奉條鞭法不啻著蔡奈日久法紊軍興費加條

鞭之銀已徵入官而徵收之役復僉大戶且因事多差
煩而不循十年一輪之制民始不堪命矣比年以來均
徭變爲條鞭條鞭變爲雇覓雇覓變爲官收吏解大都
始未嘗不善久之敝生豈立法之過哉長民者但潔已
以惠民則凡法皆良有治人無治法蓋自昔言之矣

後論

洪武二十四年官民田地山蕩凡一萬九百二十九頃一
十八畝有奇夏麥二千七百一十三碩有奇鈔三千一百
九十六貫有奇秋米九萬六百八碩有奇鈔二千九百八
十二貫有奇

成化志

嘉靖中官田一千三百一頃三十九畝有奇民僧道田七

千一百七十五頃四十六畝有奇官地三十六頃六十四畝有奇民僧道地七百三十七頃三十二畝有奇官山二百四十一頃五十八畝有奇民僧山一千四百九十四頃一十七畝有奇官蕩二頃三十四畝有奇民蕩二頃三十六畝有奇官河塗三頃六十三畝有奇民河塗八分夏稅麥凡二千七百二十碩有奇鈔三千二百一十二貫有奇秋糧米七萬八千五百九十四碩有奇秋租鈔三千三百二十三貫有奇

嘉靖志

國朝

原額田八千四百八十頃一十四畝有奇地七百七十九頃八畝有奇山一千七百五十九頃五十畝有奇蕩六頃

二十四畝有奇卽前明萬歷年間額也

民人帶種屯田寧波衛歸縣帶徵屯

田地不在內

順治十八年沿海棄置田地山蕩凡八十四頃四十六畝有奇歷年墾復至康熙十六年足額

康熙三十八年除潮衝田八頃一十五畝有奇地二頃五十九畝有奇

雍正七年除置買耕田壇基田五畝七分

乾隆三年捐置義山收埋運廢田一頃八畝有奇地一畝有奇山八十二畝有奇

七年除築塘濬河廢棄田二頃九十三畝有奇

十九年除水冲砂壓田四頃五十五畝有奇地一十六畝

有奇

歷年清出田一十八頃九十畝有奇地二十七頃二十四畝有奇山三十八畝有奇蕩一頃六十畝有奇田之分有九曰民田通各鄉之田也曰竈田竈戶所耕也曰翔鳳鄉民田曰翔鳳鄉竈田翔鳳鄉在縣東南其科則較輕於他縣也曰湖民田曰湖竈田湖田者卽古廣德湖樓異改爲田也曰軍田曰民人帶種屯田曰寧波衛歸縣帶徵屯田卽明之軍屯民屯也地之分有八曰民地曰竈地曰翔鳳鄉民地曰翔鳳鄉竈地曰在城蓋地謂城內屋宇之基也曰塗地謂濱海之地也曰軍地曰寧波衛歸縣帶徵屯地山與蕩則俱無區別焉民田六千五百七十三頃七十畝

有奇竈田四百九十頃一十一畝有奇翔鳳鄉民田二百九十二頃九十二畝有奇翔鳳鄉竈田二百九十八頃六十九畝有奇湖民田七百八十一頃六十八畝有奇湖竈田一十五畝有奇軍田四十四頃九十八畝有奇民人帶種屯田九十七畝有奇寧波衛歸縣帶徵屯田五頃二十四畝有奇凡田八千四百八十八頃四十七畝有奇民地六百三頃二十畝有奇竈地三十四頃六十四畝有奇翔鳳鄉民地六十八頃八十七畝有奇翔鳳鄉竈地二十六頃九十七畝有奇在城蓋地三十七頃一十五畝有奇塗地二十五頃九畝有奇軍地七頃六十畝有奇寧波衛歸縣帶徵屯地三頃八十畝有奇凡地八百七頃三十五畝

有奇凡山一千七百五十九頃六畝有奇凡蕩七頃八十四畝有奇此乾隆四十九年額也

民田畝徵銀六分九釐七毫有奇米一升七合有奇窰田畝徵銀四分四釐三毫米八合二勺翔鳳鄉民田畝徵銀五分八釐一毫米一升一合一勺翔鳳鄉窰田畝徵銀三分四釐四毫有奇米五合四勺湖民田畝徵銀一錢三分九釐有奇米三撮二圭滿窰田畝徵銀一錢三分九毫米三撮三圭軍田畝徵銀五分八釐二毫有奇米四勺民人帶種屯田畝徵銀二分五釐有奇米一斗一抄有奇帶徵屯田畝徵銀一錢二分七釐有奇民地畝徵銀六分五釐八毫米一升七合五抄窰地畝徵銀四分三毫有奇米八

合二勺翔鳳鄉民地畝徵銀五分四釐有奇米一升一合
一勺翔鳳鄉竈地畝徵銀三分六毫米五合四勺在城蓋
地畝徵銀二分四釐九毫塗地畝徵銀一分九釐六毫有
奇軍地畝徵銀五分四釐三毫米四合帶徵屯地畝徵銀
一錢二分七釐有奇山畝徵銀一釐三毫有奇蕩畝徵銀
一分九釐六毫有奇

人丁凡二十一萬四千七百一十口七分市民口徵銀一
分二釐五毫鄉民口徵銀二分一毫米一升一合三勺人
丁口徵銀一錢二分四釐九毫寧波衛歸縣帶徵餘丁徵
銀同人丁

凡地丁銀八萬三百五十一兩有奇加顏料蠟茶魚課諸

物新加銀七十六兩有奇顏料蠟茶藥材諸物時價銀一

十七兩有奇

除屯折不派外每年於地丁項下帶徵

收零積餘改米徵銀入

十七兩有奇孤貧口糧改米徵銀五百四十兩通徵銀八萬一千三百八十三兩有奇

凡地丁米一萬四千五百二十碩有奇除收零積餘米八十七碩有奇孤貧口糧米五百四十碩總徵米一萬三千八百九十二碩有奇

外賦入地丁科徵者曰漁課并路費銀一百四十兩有奇本府稅課司課鈔銀一百五十二兩本縣課鈔銀五兩有奇河泊所課鈔銀一十一兩有奇

俱隨糧帶徵即在總徵地丁編徵之內

銀三百一十兩有奇

外賦不入地丁科徵者曰額外歲徵鹽課水鄉蕩價銀二

百四兩有奇車珠銀三兩清泉場竈課銀一百五十八兩

有奇車珠銀二兩大嵩場竈課銀五十五兩有奇車珠銀九錢有奇

奇本場水鄉折竈各戶課銀二百六十兩有奇車珠銀四兩四錢有奇

竈戶以上俱本縣課鈔銀七十四兩有奇酒醋鋪總徵銀七

百六十五兩有奇

右本縣地丁并外賦通徵銀八萬二千一百四十九兩

有奇

銀之起運者曰戶部本色銀凡三百一十兩有奇路費銀

一十一兩有奇其月有十二日顏料本色銀日顏料本色

加增時價銀日蠟茶本色銀日蠟茶加增時價銀日黃蠟折色銀日黃蠟加增時價銀日芽茶折色銀日芽茶加增

時價銀曰葉茶折色銀
曰戶部折色銀凡二萬四百二十

二兩有奇路費銀三百二十兩有奇
其目有三曰折色銀曰民田屯折銀曰歷

年曰禮部本色銀凡八兩有奇路費銀二兩有奇
其目有三

折銀曰藥材本色銀曰藥材改
曰禮部折色銀凡三百九十八

兩有奇路費銀一十二兩有奇曰工部本色銀凡二十九

兩有奇路費銀三兩有奇
其目有二曰熟鐵曰銀珠曰工部折色銀凡

八千三百九十三兩有奇路費銀四十兩有奇
其目有四

曰匠班銀曰漁課改折
曰裁改存留解部銀凡一萬三千

四百二十六兩有奇路費銀三十五兩有奇曰留充兵餉

改起運銀凡二萬六千八百九十八兩有奇
其目有二曰田地山銀曰

兵餉通計起運銀六萬九千八百八十六兩有奇路費銀

四百二十六兩有奇

銀之解歸各司者曰鹽課

解歸藩司

抵課水手銀凡一百一十

九兩有奇

其日有二曰鹽院完字號座船水手銀日各巡檢司賦課并鹽價銀

曰鹽課

額外歲徵鹽課銀凡六百七十九兩有奇車珠銀一十一

兩有奇曰漕運

糧儲道專轄

隨漕折色銀凡四千二十一兩有

奇

其日有四曰淺船料銀日貢具銀日求減備料銀日月糧七分給軍銀

曰驛站

驛傳道專轄乾隆四

十四年改驛站銀凡八百四十五兩有奇

其日有二曰本府各驛銀日養

膳應差

通計解歸各司銀五千六百七十兩有奇

夫銀 銀之存甯者曰司存甯銀凡二百七十六兩

其日有三曰鹽院轎傘扇

夫工食銀四十八兩日布政司門子決手等工食

曰府縣

存甯銀凡五千八百八十二兩有奇

其日有三曰各廟祭祀銀日官俸役食銀

日新 支銀 通計存留銀六千一百五十八兩有奇

一各廟祭祀銀凡三百六兩有奇

府銀三兩六錢縣銀一兩六錢 武廟致祭縣銀六十兩 崇聖祠二祭府銀一

十二兩縣銀一十二兩 郡厲壇三祭府銀二十四兩 社稷山川壇各二祭

后官祭祀縣銀一十四兩 郡厲壇三祭府銀二十四兩 社稷山川壇各二祭

府銀四十四兩 郡厲壇三祭府銀二十四兩 社稷山川壇各二祭

厲壇米折銀三兩 郡厲壇三祭府銀二十四兩 社稷山川壇各二祭

兩縣銀七兩四錢有奇 董孝子天井銅盆金沙它山

諸廟各一祭府銀一十三兩四錢有奇 迎春

芒神土牛春酒府銀二兩五錢縣銀二兩五錢

一官俸役食銀凡三千九百八十六兩有奇

五兩門子四名銀二十四兩快手十二名銀七十二兩

皂隸十二名銀七十二兩快手四名銀二十四兩聽事

吏一各名銀六兩舖兵二名銀十二兩馬快二名銀十二兩

一百五兩門子二名銀十二兩快手四名銀二十四兩

巡緝費銀三十三兩六錢步快十六名銀九十六兩

隸十六名銀九十六兩轎傘扇夫七名銀四十二兩

卒十二名銀七十二兩庫子四名銀二十四兩斗級六

名銀三十六兩 同知俸銀八十兩 門子二名銀十二兩
兩步快八名銀四十八兩 皂隸十二名銀四十八兩 水手
傘扇夫七名銀四十八兩 通判俸銀六十兩 門子二名銀十
八名銀四十八兩 兩皂隸十二名銀七十二兩
二兩步快八名銀四十八兩 兩皂隸十二名銀七十二兩
騎傘扇夫七名銀四十八兩 本府儒學廩糧銀一百二十八兩
一兩五錢二分 本府儒學廩糧銀一百二十八兩
本縣知縣俸銀四十五兩 門子二名銀十二兩 皂隸十
六名銀九十六兩 馬快八名銀四十八兩 又巡緝費銀
一百三十四兩 四錢民壯四名銀四十二兩 皂隸二名銀
禁卒八名銀四十八兩 兩皂隸四名銀四十二兩 兩庫
子四名銀二十四兩 兩斗級四名銀二十四兩 縣丞俸
銀四十兩 門子一名銀六兩 皂隸四名銀二十四兩 兩馬
夫一名銀六兩 皂隸四名銀二十四兩 兩五錢二分 門子
一名銀六兩 皂隸四名銀二十四兩 兩五錢二分 門子
本縣教諭俸銀三十一兩 兩廩生膳銀四兩 門子三名銀三
十六兩 廩糧銀六十四兩 兩廩生膳銀四兩 門子三名銀三
銀二十兩 杖錫巡檢司俸銀三十一兩 兩五錢二分 皂隸二
八分 杖錫巡檢司俸銀三十一兩 兩五錢二分 皂隸二
名銀十二兩 弓兵二十名銀七十一兩 長山穿山二
巡檢司皂隸四名銀二十兩 弓兵十四名 管界弓兵九名 岑江
十九兩二錢 霞嶼弓兵十四名 管界弓兵九名 岑江

弓兵七名沈喚弓兵一名共銀一百一十一兩六錢
府鹽捕十三名縣鹽捕六名共銀一百三十六兩八錢
看守各公署門子銀三十五兩二錢 衙要十鋪司
兵銀三百八兩三錢 偏僻一十二鋪司兵銀一百一
十四兩 各渡渡夫銀六兩 浮橋看守夫工食箴纜
銀六十兩 各塌塌夫工食箴纜銀一百二十一兩四
錢 各硤硤夫工食
板銀六十九兩五錢

一雜支銀凡一千五百八十九兩五錢 鄉飲酒禮二次
銀一十五兩

歲貢生員旗匾花紅酒禮府銀一兩四錢縣銀三兩五
錢 戰船銀二百一兩六錢 孤貧三百名口糧銀八
百一十兩布花木柴銀一百八十兩 孤貧加增口糧
銀二百七十兩 重囚口糧府銀七十二兩縣銀三十
兩六

正額之外遇閏則有加閏銀凡一千四百四十兩有奇一

日地丁加閏銀凡一千四百三十四兩有奇 其目有三日
地丁銀一千

三百七十九兩有奇日驛站新加銀 一曰外賦不入地丁
五十四兩有奇日漁課銀五錢有奇

科徵課鈔銀凡六兩有奇

加閏銀之起運者曰戶部折色銀凡一十八兩有奇路費
銀三錢有奇曰工部本色銀凡三兩有奇路費銀三錢有
奇曰工部折色銀凡八十三兩有奇路費銀九錢有奇曰
裁改存留解部銀凡四百四十二兩有奇曰舊充兵餉改
起運銀凡三百七十五兩有奇通計起運銀九百二十四
兩有奇

加閏銀之解歸各司者曰鹽課加閏銀凡三兩有奇

解歸藩司

充餉曰漕運加閏銀凡一百七十五兩有奇

糧儲道專轄

驛站加

閏銀六十九兩有奇

按察司專轄

總計解歸各司銀二百四十

七兩有奇

加閏銀之存留者凡二百六十八兩有奇

鹽院轎傘夫工食銀四兩布

政司門子快手等工食銀九兩

海道衙門門子皂隸

等工食銀一十七兩五錢

寧紹分司快手舖兵等工食銀三兩五錢

四兩三錢

同知衙門門子皂隸等工食銀一十四兩

五錢捕役水手工食銀八兩

通判衙門門子皂隸等工食銀一十四兩

工食銀一十四兩五錢

四明驛皂隸工食銀一兩

知縣衙門門子皂隸等工食銀三兩

典史衙門門子皂隸等工食銀三兩

衙門門子皂隸等工食銀三兩

本縣廩生膳銀三兩三錢有奇齋夫

等工食銀四兩八錢

各巡檢司皂隸弓兵等工食銀二十四兩九錢

銀二十四兩九錢

府縣巡鹽應捕工食銀一十一兩

四錢

看守公署門子工食銀二兩九錢有奇

鋪兵工食銀三十五兩一錢有奇

各渡渡夫工食銀

五錢

浮橋看守夫工食銀五兩

各壩壩夫工食銀

一十一兩一錢有奇

硯

夫工食銀五兩七錢有奇

米有存留無起運凡正額米一萬三千八百九十二碩有

奇遇閏則有加閏米凡二百八十碩有奇每年撥給寧波

城守營及提標五營兵餉

田賦丁賦之外有雜賦曰學租也當稅也牙稅也田房契

稅也牛稅也學租銀八十四兩有奇當稅銀一十五兩當

三名每鋪牙稅銀二百七十三兩上則牙戶五名每名徵銀八錢中則牙戶七名

每名徵銀六錢下則牙戶六惟契稅牛稅無定額

百六十二名每名徵銀四錢舊制每里一字後置

附錄各隅都督田地分定字號雖改併而字仍不易

東南隅 天地玄黃宇宙洪

東北隅 荒日月盈昃辰

西南隅 宿列張寒來暑往秋收冬藏闕餘成

西北隅 歲律呂調陽雲騰致雨露結爲

城西隅 霜金生麗水玉出崑

南東隅 岡劍毫巨闕球轉夜光

一都 果球李西

二都 菜重芥蕪海鹹河淡鱗潛

三都 羽翔龍師大帝

四都 鳥官人皇始制文字乃服

五都 六都 七都 八都 九都 十都 十一都 十二都 十三都 十四都 十五都 十六都 十七都 十八都 十九都 二十都 廿一都 廿二都 廿三都 廿四都 廿五都 廿六都

衣裳
推位讓國有

虞陶
唐弔民伐

罪周發
殷湯坐朝

問道垂
拱平

章愛育黎首
臣伏戎羌

遐邇一體
率賓歸王鳴鳳
在樹白駒食場

化被草木
賴及萬方

蓋此身髮
四大五常恭惟

鞠養豈敢
毀傷女

慕貞潔男效
才良知過

必改得能莫忘
日城

廿七都

罔談彼短靡恃己
長信使可覆器欲

廿九都

難量器志絲染詩讚
羔羊景行維賢克念

三十一都

作聖德建名立形
端表正空谷傳

三十二都

聲虛堂習聽禍因惡
積福緣善慶尺璧非寶寸陰是競資父事

三十四都

君曰嚴與敬
孝富竭力忠則盡

三十六都

命臨深履薄夙
與溫清似

三十八都

爾斯馨如松之盛川流不息淵澄取映容
止若思

四十都

言辭安定篤初誠美慎終宜令榮業
所基籍甚無竟

四十二都

學優登仕攝
職從政存以甘棠

四十四都

去而益詠樂殊貴賤禮別
尊卑上和下睦夫唱婦隨外

四十六都

受傅訓入奉母儀諸姑伯
叔猶子比兒孔懷

四十七都

四十八都

兄弟同氣連枝交友投

四十九都

分切磨箴規仁慈隱惻造次

五十都

弗離節義廉退無滯匪虧性靜情逸心勤

鎮都

神披守
真志滿逐物意移
堅持雅操好爵自縻

四十四隅

都邑華夏東

四十五隅

西二京背

四十七隅

邨面洛浮

四十九隅

渭據涇宮殿盤鬱樓觀飛

五十隅

驚圖寫禽獸畫彩仙靈

已上俱闡志兼采曹志

案鄆邑鱗冊久失小民控爭田地山場無可稽核
然查造必須履畝丈量易於滋擾姑附原編字號
於此以俟善爲經理再查一都內間入丙字相傳
原文時遺漏此段續行查出故卽以五十隅編號

之後一字補列云

戶口

唐開元中明州戶四萬二千二百七口二十萬七千三十

二唐善地理志

餘姚郡戶四萬一千六百三十口十七萬七千五百六十

通典

元和明州戶四萬八十三元和郡縣志

宋太平興國中明州戶主一萬八百七十八客一萬六千

八百三太平寰宇記

元豐中奉化郡主五萬七千八百七十四客五萬七千三

百三十四元豐九域志

乾道中鄞縣戶四萬一千六百一十七口六萬五千六百

九十四 寶慶志

元至順中慶元路戶二十四萬一千四百五十七口五十一

萬一千一百一十三 元史地理志

明洪武二十四年鄞縣戶八萬三千七百三十八口三十

萬五千九百九十三 永樂十年戶六萬六千二百六十

一口二十四萬一千九百七十四 宣德七年戶七萬三

百三口一十八萬九千五百八 正統七年戶六萬八千

五百五十七口一十九萬五千四百九十七 景泰三年

戶六萬四千三百一十口一十八萬七千五十三 天順

六年戶六萬二千三百六口一十八萬六千九百九 志成化

成化八年戶六萬二千一百二口一十八萬五千九百二

十一 十八年戶六萬一千七百三口一十八萬五千九百一十三 宏治五年戶五萬八千三百四十五口一十九萬三千三百七十一 正德七年戶五萬八千三百五十口一十九萬三千三百七十六 嘉靖元年戶五萬八千三百四十五口一十九萬三千三百八十二 十一年戶五萬八千三百五十口一十九萬三千三百八十五 三十一年戶五萬八千三百五十五口一十九萬三千三百九十五 三十一年戶五萬八千三百六十一口一十九萬三千四百一十二

嘉靖志

國朝

康熙十年戶一十萬三千二百五十六口二十一萬四千

七百一十

曹志

二十年戶一十萬三千二百五十六口二十一萬四千七

百一十口七分

曹志

內市民人口一萬五千五百一十口鄉

民人口一十一萬一千九百二十一口人丁八萬七千二

百七十九丁口七分

賦役全書

五十二年

恩詔戶口以康熙五十年丁冊爲常額續生人丁永不加

賦

浙江通志

五十五年編審

盛世滋生增益市民二百五十一口鄉民一千二百五十

口民丁一千九百五十八丁

曹志

六十年原額人丁并奉裁寧波衛歸縣徵收餘丁共二十
一萬九千九百五十九丁口七分

浙江通志

雍正四年實在人丁二十二萬五百四丁口七分是年奉
文將應徵丁賦攤入田畝每田地五十四畝一分四釐有
奇派市民一口每田地七畝五分三毫有奇派鄉民一口
每田地九畝六分二釐有奇派人丁一丁口每屯田地二
十一畝五分三釐有奇派餘丁一名

浙江通志

九年實在人丁二十二萬一千五百二十六丁口七分內
除原額完賦人丁二十一萬四千七百一十口七分奉裁
寧波衛歸縣徵收餘丁四十二丁外其滋生增益寄居市
民九十口土著市民五百六十九口土著鄉民三千四百

二十六口寄居人丁一十丁土著人丁二千六百七十二

丁土著餘丁七丁俱永不加賦

浙江通志

乾隆三年七年十九年三次

題免完賦人丁一百八十丁口有奇實在完賦人丁二十

一萬四千五百三十丁口四分九釐

市民一萬五千四百九十六口有奇鄉民

一十一萬一千八百二十七口有奇人丁八萬七千二百六十口有奇

賦役全書

五十一年戶一十二萬五千一十九男女大小丁口六十

萬七千七百四十九

縣冊

鹽課

鄞縣年銷票引二千九百引又計丁加引一千四百六十

四引共銷四千三百六十四引

鹽法志

鄞縣住引年額二千一百五十引肩引年額二千四百二十四引向係鹽院給發票引乾隆三十八年改發部引如正引銷足商人請給餘引仍係鹽院衙門給票竝無定額

縣冊

大嵩場在鄞縣十一都去縣治八十里明洪武三年置

國朝設大使以董場事又設甬東巡司以緝私煮私販康熙三十九年裁巡司煎舍舊有六團二十九舍今新聚團額凡四曰大嵩港南團十竈曰黃口港南團五竈曰蔡家港北團五竈曰大嵩港北團九竈

鹽法志

案志載舊額分一二三四五六共六團雍正年間僅存四團今現有五團仍以一二三四五爲名目

其何時增設一團無可攷煎竈於乾隆十七年因
售私犁毀一舍今祇存二十八舍尙未補復

大嵩場辦課灘塗草蕩六百五十二弓二分本場灘塗草
蕩實係地磽難以獨辦丁課今於通場各則蕩田蕩地并
新墾丈增倉基等地畝之上計弓按畝均攤但各則地畝
已經按則完稅今復攤丁俟清查漲墾卽予抵除

鹽法志

大嵩場竈丁六百四十八丁日七分八釐

曹志

本場辦稅各則蕩地四萬八千九百六十八畝有奇

舊志四萬

一千五百七十三畝有奇餘自雍正四年至乾隆五十年續行報陞現徵課銀一千一百七
十四兩二錢八分俱由場徵收歸縣解鹽道庫

縣冊

明萬曆十一年刊立大嵩場界碑原額場地一萬九百
三十弓課一千一百二十四兩七錢七分七釐六毫丈

出新墾蕩地三十畝七分三釐稅銀一兩一錢三分一釐九毫 民窰接連地界東至大海界西至寒嶺界南至玉泉場海界北至育王嶺界

清泉場在鎮海縣一都宋崇寧三年置其窰地分屬鄞鎮二邑場課歸鄞邑報解三百九十四兩九錢二分一釐

縣冊

案清泉場凡十五團二百五十七舍其屬鄞邑地界者惟三團一新鹽團三窰一漲車團三窰一漲

中團四窰

各場雖分屬各所商人亦隨時通融就近買補惟肩鹽本場定地方不得侵越貧難軍民許於附近場分地方肩挑背負易米度口鹽不過四十觔人不過五六名地不得過十里謂之老少鹽

曹志

鄞縣額設肩販一百二十名又鄉販十六名乾隆四十三年奉部行查各邑老少鹽鄞縣具報一十五名在案

縣冊

倉儲

常平倉穀定例於米貴時減價出糶米賤時糶還其數以存七糶三爲準秋成就本邑採買歸倉每年道府廳縣於額貯之外例有捐穀

寧紹台道捐穀三碩寧波府捐穀五碩寧波府同知通判各捐穀三碩鄞

縣知縣捐穀五碩

額數以此遞年稍有加增其每年發給到配軍

流人犯獄囚及或有難民難番口糧俱於額內支銷現在貯穀六萬三碩八斗四升一合九勺額設斗級十名每名

工食銀六兩

乾隆五十二年縣冊

社倉乾隆二十三年奏准浙東各屬勸捐社穀以佐常平

之不逮仍選殷實戶充當社長司其出納是年始勸諭士
民捐輸二十六年建倉收貯現在社倉本息穀三千七百
一十九碩四斗二升八合

乾隆五十年縣冊

案廣盈倉在月湖西爲府倉明嘉靖間邑令劉宗
仁復建預備倉附焉另有海倉在靈橋門內卽今
常平倉也康熙間併爲一歸縣管理府倉遂廢故
常平倉猶存土地神祠二焉查鄞爲海疆門戶駐
紮重兵兼以商賈市舶四時輻輳食指浩繁本邑
山鄉錯雜產米不廣向賴外江販運以資接濟且
易值旱災風潮又多鹹水壞禾之患往往市價一
昂居奇數倍窮黎升斗幾至告糴無門不可不爲

先事之慮也嘗考前明令林公分建義倉四所按
戶勸輸穀碩有差以備災稜及非常支給最爲善
政倘遇大有之年有司實力籌畫仿其意而行之
庶可有備無患爲政必先足食其可忽乎哉

陸世科義倉記鄞邑介處海偏無簷車齒屐紛朱器玩
之染風俗近古四民各食其力然阡壤陘穀一歲之入
恆弗給一邑食寄藉魚鹽集四方賈人召米粟補終歲
需設不時至則湫漉無蓄且土泄溝窮桃華水漫堰突
陂塘之限每滿悍吞齧而徑瀉於海故民易治而地難
豐維豈弟父母惠而拊我黔黎幸甚歲已卯林侯來涖
適歲大饑多方設賑出倉散濟不足借帑賈糶又捐俸
煮糜皆不足乃勸紳矜殷戶咸感奮出粟相救得延有
秋侯因考古荒政貴恤貧貴安富不欲歎枵腹而呻富
民導古向侯采衛饋遺之式歛散輕重上下之權條立
義倉於四路始斂之以義倡自邑大夫暨佐貳吏人而
後勸縉紳巨室出分又一邑若干里各輸一碩大槩
中千碩之數分備四倉官胥一無所問奉林居一縉紳
先生翰總簿繪選各隅義民二人執帳簡報既散之亦

以義喪厄窮札爲一書驗其膚切量予斗斛謹固全庾
以備異警大稔備警則支給以酬守禦不令取償備侵
則各散以取償秋收不令出息條上司府咨咨嘉數各
發捐二百四十碩仍移各廳并參幕一體公輸如法而
邑義倉以成官不倚削民不倚私枯輔以生虛輔以壯
故曰守國者守穀而已矣晷家令欲使民不輕去其鄉
盜賊無所勸家敬與惟思恤農以繫其家足食以繫其
身聚骨肉以勸家敬與惟思恤農以繫其家足食以繫其
父老願須史觀治化之成于弟循謹終歌編戶是誰之
賜與因約略侯建立四倉條指刻石定爲制而弁文於
首以志不朽云凡義倉建立城之四隅各造廩三間門
一重周以垣墉通計材夫匠二百四十碩於倉司丞輸二十
足其費其納穀法首輸二百四十碩於倉司丞輸二十
四碩司簿十六碩司幕十六碩戶糧吏六人各四碩餘
吏二十七人各一碩闔邑四百四十八里計可得若干
碩邑紳衿監泊富室典商次第聽輸茂終籍其數每百
碩除鼠雀耗三碩紙窳費二碩以九十五碩爲額俱得
崇禎甲戌進士卓政美績在崇德合
今治三年將奏鼓別載歌頌弗茲入

兵制

鄞據三江口自晉以來常爲要鎮而兵制無可攷
宋時禁軍駐明州者曰威果三十指揮曰威果五
十五指揮曰雄節指揮曰威勝指揮曰全捷指揮
廂軍在明州者曰崇節二十八指揮曰崇節二十
九指揮曰崇節三十指揮曰壯城指揮曰都作院
指揮曰船塢指揮曰清務指揮曰剡員指揮曰寧
節指揮南渡後置沿海制置司領水軍四千禁廂
軍之外又有土兵各隸巡檢而知縣結銜亦兼本
縣弓手寨兵軍正焉元慶元路置浙東都元帥府
總七郡兵民之政又有沿海上萬戶府置達魯花
赤上萬戶副萬戶各一人其屬有上千戶所六下

千戶所十一至正末又置海道都萬戶府時方氏
專制僅以名羈縻之而已明置寧波衛指揮使司
設官曰指揮使曰指揮同知曰指揮僉事曰經歷
曰知事曰鎮撫衛領千戶所五每所置正千戶副
千戶鎮撫每千戶又領百戶十惟經歷知事爲文
官餘皆武官子孫世襲其管事之官則於諸指揮
中擇材能而任之一人掌印一人僉書一人管屯
田一人管軍器其餘或運糧或分汛非是則但寄
俸不任事中葉後旗軍日耗存伍者無幾及倭寇
起不足守禦乃設浙直總兵官建牙蛟門而分巡
道亦別召募土人設爲標兵永鎮郡城厥後召募

之兵朽敝亦與旗軍同遂無一卒可用以迄於亡
國朝定鼎之始浙東遺頑久而不靖爰命大帥駐重兵
控制全省城中設五營別立城守營星羅碁布隱
然長城迄今百有餘年海濱無鳴吠之警乃知國
家經畫周詳未雨綢繆之計至深且遠也

國朝順治三年六月寧波始入版圖設副將一員十六年
冬始移浙江提督於府城康熙二年提督移駐紹興設水
師提督一員駐寧波府八年裁水師提督仍移提督駐寧
波設中左右前後五營中營參將一員左右前後營各游
擊一員五營各設守備一員千總二員把總四員雍正五
年以中營守備一員千總一員把總二員右營游擊一員

千總一員把總二員改爲水師六年添設外委千總十員

外委把總二十員

每營添設六員

乾隆六年將右營全改爲水師

其中營之水師守備千把總仍爲陸路二十七年添設額

外外委十五名四十七年又添額外外委五名

每營共添設額外外

委四今設官如左

浙江提督一員駐劄寧波府統轄全省標下中左右前後

五營 中營參將一員守備一員千總二員把總四員外

委千總二員外委把總四員額外外委四員 左營游擊

一員守備一員千總二員把總四員外委千總二員外委

把總四員額外外委四員 右營游擊一員守備一員千

總二員把總四員外委千總二員外委把總四員額外外

委四員 前營游擊一員守備一員千總二員把總四員
外委千總二員外委把總四員額外外委四員 後營游
擊一員守備一員千總二員把總四員外委千總二員外
委把總四員額外外委四員

國初提標兵丁原額五千名中左右三營各一千名駐郡
城前營一千名駐防鄞縣之大嵩城及瞻崎鹽場足頭湖
頭渡四汛後營一千名以三百名分駐奉化之應家棚楊
村石盆馬頭臺等汛餘七百名亦駐郡城康熙十七年裁
戰守兵二百五十五名二十一年裁戰守兵一百六十名
三十五年裁戰守兵三百名雍正二年裁守兵五十名是
年改鎮海營爲水師其原管之穿山鄞甯崑亭三汛撥歸

左營派兵三百二十名防守五年以中營戰兵三十名守

兵七十名右營戰兵三十名守兵七十名共二百名改爲水師

六年定每兵一百名扣公糧三分五營共扣存一百十五

分爲營中製辦軍裝之用嗣於乾隆三年奉文裁去四十

四十一分五營共存是年添設外委千把總共三十員仍

入馬兵數內八年定外委千把總各給步糧守餉一分以

資辦公十三年改馬兵三十六名爲步戰兵乾隆六年將

右營兵丁俱改爲水師其中營原設之水師兵仍爲陸路

十五年於右營水戰兵六十名內撥出二十名水守兵一

百四十名內撥出二十名改爲勻戰兵二十一年將前營

原防大嵩汛之馬步兵四百五名撤回郡城仍畱三百五

十名在汛防守後營原防應家棚等汛之兵丁二百五十名撤回郡城仍畱五十名在汛防守二十三年定五營設字識一百一十六名二十七年添設額外外委十五員仍入馬兵數內三十九年設提督字識四十九名四十七年裁除各官養廉名糧三百六十名公糧一百十六分添設額外外委五員馬兵六十名戰兵四百二十名水戰兵二十名

現在馬步戰守兵共四千二百五十九名

中營馬兵七十四名

內外委六員
額外四員

戰兵三百六名守兵

四百六十三名共八百四十三名

左營馬兵四十八名

內外委三員
額外四員

戰兵二百三十八名

守兵二百四十一名又分駐穿山汛馬兵九名

內外委一員

戰兵三十八名守兵一百八名分駐鄞衢汛馬兵九名

內外委一員戰兵十四名守兵四十七名分駐崑亭汛馬兵

九名

內外委一員

戰兵十六名守兵七十名共八百四十七

名

右營馬兵七十五名

內外委六員額外四員

戰兵二百三十名水

戰兵六十名勻戰水兵四十名守兵三百二十四名水

守兵一百二十名共八百四十九名

前營馬兵四十六名

內外委六員額外四員

戰兵一百七十二名

守兵二十五十八名又分駐大嵩汛馬兵十八名戰兵

七十六名守兵五十一名分駐瞻崎汛馬兵五名戰兵

十九名守兵三十六名分駐鹽場汛馬兵五名戰兵十
九名守兵五十一名分駐足頭汛馬兵二名戰兵十名
守兵十八名分駐湖頭渡馬兵二名戰兵七名守兵六
十六名共八百六十一名

後營馬兵七十一名

內外委六員
額外四員

戰兵三百九名守兵

四百二十九名又分駐應家棚戰兵四名守兵十六名
分駐楊村汛戰兵二名守兵八名分駐石盆汛戰兵一
名守兵九名分駐馬頭臺汛戰兵二名守兵八名共八
百五十九名

提標原設哨船十隻康熙二十五年裁三隻二十九年撥
歸海關一隻三十六年以海關船三隻歸營巡哨雍正二

年裁四隻乾隆三十三年裁三隻現存哨船二隻

寧波城守營康熙八年設游擊守備各一員千總二員把
總四員隸黃巖鎮標雍正六年添設外委千總一員外委
把總三員七年改歸提督管轄乾隆二十四年改游擊爲
都司二十七年添設額外外委二員現在本營額設都司
一員守備一員千總二員把總四員外委千總一員外委
把總三員額外外委二員城守營原設馬步戰守兵七百
三十名康熙三十五年裁戰守兵四十九名四十七年裁
馬戰守兵四十名雍正五年定扣存公糧一十二分爲製
辦軍裝之用七年裁戰守兵七名八年定外委千把總各
給步糧守餉一分以資辦公十六年添公糧五分二十三

年設本營字識一十七名二十四年改游擊爲都司裁去
養廉馬餉一名戰餉四名撥歸司庫四十七年增給武職
養廉裁除各官名糧四十四名公糧一十七分添設馬兵
十名戰兵五十名

現在馬步戰守兵六百二十四名

在城馬兵二十七名

內外委四員
額外二員

戰兵一百十五名守

兵一百三十七名

分駐浮橋汛戰兵三名守兵七名分駐慈谿縣馬兵七
名戰兵五名守兵六十二名分駐漁溪三七市等汛馬
兵二名戰兵六名守兵十七名分駐奉化縣馬兵十三
名戰兵十三名守兵八十六名分駐新驛汛馬兵四名

戰兵五名守兵三十七名分駐橫溪汛馬兵四名戰兵
五名守兵三十九名遊巡鄞慈二縣沿江口戰兵十名
守兵二十名

提督歲支俸銀九十五兩八錢一分二釐薪銀一百四十
四兩蔬菜燭炭銀一百八十兩心紅紙張銀二百兩養廉
銀二千兩例馬二十匹

每匹十二兩後同

參將歲支俸銀三十

九兩三錢三分六釐薪銀一百二十兩蔬菜燭炭銀四十
八兩心紅紙張銀三十六兩養廉銀五百兩例馬八匹

游擊歲支俸銀與參將同蔬菜燭炭銀三十六兩心紅
紙張銀三十六兩養廉銀四百兩例馬六匹 守備歲支
俸銀十八兩七錢八釐薪銀四十八兩蔬菜燭炭銀十二

兩心紅紙張銀十二兩養廉銀二百兩例馬四匹 千總

歲支俸銀十四兩九錢六分四釐薪銀三十三兩三分三

釐養廉銀一百二十兩例馬二匹 把總歲支俸銀十二

兩四錢六分八釐薪銀二十三兩五錢三分二釐養廉銀

九十兩例馬二匹 外委歲支養廉銀十八兩各支馬餉

一分仍於馬兵內支 額外外委各支馬餉一分仍於馬

兵內支 馬兵每名歲支銀二十四兩米三石六斗 戰

兵每名歲支銀十八兩米三碩六斗 水戰兵每名歲支

銀十八兩米三碩六斗 勻戰兵每名歲支銀十五兩米

三碩六斗 守兵每名歲支銀十二兩米三碩六斗 水

守兵每名歲支銀十二兩米三碩六斗

城守營都司一員歲支俸銀二十七兩三錢九分六釐薪銀七十二兩蔬菜燭炭銀十八兩心紅紙張銀二十四兩養廉銀二百六十兩例馬四匹 守備千總把總外委額外外委歲支俸薪養廉例馬與提標五營同 馬步戰守兵歲支銀米與提標五營同

五營軍裝數

藍緞繡蟒馬鐵甲四十身 藍布繡蟒馬鐵甲二百二
十四身 青布繡蟒馬鐵甲一百六十五身 青布繡
蟒步鐵甲五百四十八身 青布繡飛虎團補步鐵甲
一千九百六十三身 青布繡飛虎團補步鐵甲三百
七十三身 馬步鐵盔三千二百八十五頂 鐵碗兒盛
七十三頂 牌兵夾布滾衣并挂腰套褲二百八十副
紅鑲邊青布號褂四千件 號帽四千頂 腰刀三百
千三百五十六口 叉鎗一千四百九十三桿 皮刀
龍袋二百五十個 藤牌三百七十三把 長鎗二百三
六口 片刀三百七十三把

金	小	子	十	并	京	布	五	面	營	金	頭	對	繩	十	滾	十	四	歷
蛛	旗	頂	鐵	鐵	蓬	行	綠	桿	黃	飛	銅	銅	九	被	對	對	對	對
大	桿	藍	架	架	一	生	絨	白	級	虎	鼓	一	丈	刺	把	對	對	對
小	一	布	創	夾	架	氣	旗	絨	神	先	一	二	雙	挑	雙	雙	雙	雙
幟	百	張	斧	頂	并	五	一	演	字	鋒	銅	對	雙	五	五	四	戰	戰
并	二	房	鐵	單	圓	絲	令	號	旗	一	一	銅	手	對	十	對	腰	腰
紅	十	八	錐	圍	藍	龍	桿	令	一	十	一	子	子	對	對	對	護	護
旗	隊	十	三	大	布	絨	五	絨	面	面	面	一	一	百	百	百	護	護
一	白	頂	百	涼	城	旗	花	一	方	一	一	一	一	雙	雙	雙	護	護
百	布	并	三	篷	門	一	一	一	式	行	一	一	一	連	連	連	護	護
八	帳	子	五	一	二	二	二	一	紅	營	一	一	一	把	把	把	護	護
十	房	副	副	架	二	面	一	一	紬	鼓	一	一	一	副	副	副	護	護
四	二	藍	并	包	扇	五	一	一	標	六	一	一	一	副	副	副	護	護
隊	百	面	羅	皮	角	色	一	一	旗	二	一	一	一	副	副	副	護	護
二	二	白	鍋	包	鹿	一	一	一	八	二	一	一	一	副	副	副	護	護
十	四	裏	四	一	角	一	一	一	面	二	一	一	一	副	副	副	護	護
四	頂	夾	百	個	房	一	一	一	五	一	一	一	一	副	副	副	護	護
頂	頂	帳	五	子	八	五	一	一	面	一	一	一	一	副	副	副	護	護
盤	并	房	十	口	座	座	一	一	一	一	一	一	一	副	副	副	護	護
大	一	一	一	一	營	營	一	一	一	一	一	一	一	副	副	副	護	護

七	筋	銅	三	副	并
百	小	位	位	發	挂
九	鐵	一	發	煩	腰
筋	彈	位	煩	礮	褲
六	一	十	礮	四	鞋
兩	萬	個	位	位	襪
六	九	一	一	磅	二
口	千	火	百	山	十
	八	藥	四	礮	四
	百	桶	十二	二	副
	九	三	位	十	身
	十	十	五	五	身
	八	八	位	位	身
	出	出	子	母	紅
	出	出	母	礮	衣
	窩	窩	礮	四	礮
	火	鐵	十二	位	一
	藥	挽	位	位	百
	三	三	位	位	四
	萬	子	位	位	十
	八	四	位	位	位
	千	十	位	位	位
	五	二	位	位	位
	把	把	位	位	位

城守營軍裝數

十	牌	牌	八	步	五	青
口	二	夾	百	鐵	十	布
	牌	布	四	盔	一	縹
	六	布	十二	五	身	馬
	十	滾	頂	百	青	鐵
	口	衣	二	二	布	甲
	鎗	六	十	十	縹	一
	兵	十	六	五	虎	十
	皮	六	身	頂	團	八
	九	十	紅	頂	補	身
	龍	五	鑲	鐵	綿	身
	袋	百	邊	碗	甲	青
	五	四	陀	兒	二	布
	十	十	鐵	監	百	縹
	八	三	甲	三	八	步
	個	個	三	十	十	鐵
	金	金	十	五	頂	甲
	龍	龍	五	頂	身	一
	大	大	十	號	號	百
	小	小	十	號	號	馬
	旗	旗	十	號	號	馬
	幟	幟	十	號	號	馬
	二十	二十	七	號	號	馬
	十	十	身	號	號	馬
	二	二	身	號	號	馬
	十	十	身	號	號	馬
	二	二	身	號	號	馬

中營教場在小倉前

左營教場在君子營

右營教場在小梁街

前營教場在扒沙巷

後營教場在虹橋

城守營教場在開明橋

東路白沙汛在甬東九齒

南路段塘汛在五十一都三齒 樸社汛在四十三都四

齒 北渡汛在四十二都一齒

西路新橋汛在五十都一齒 高橋汛在四十九都三齒

西壩汛在四十九都二齒

東北路沿海場前汛在十一都一箇 舵幢汛在十一都
二箇 鹽場汛江橋汛俱在十二都一箇 趙家臺黃牛
臺俱在十二都一箇 管山汛在十二都二箇 內外橫
山汛球琳臺俱在十二都四箇 蔡墩汛在十二都五箇
以上兵房冊

海防

郡城駐重兵本爲防海而設而鄞介五邑之中濱
海之地惟東鄉大嵩一隅宋時大嵩爲慶元十砦
之一明初信國公湯和置所城轄烽堠八

國朝撥提標前營兵駐守其地分立各汛防守內洋其
外洋面卽鎮海象山所轄各有責成不相侵越較

之前代經制益周密矣

大海在縣東海之際爲瞻崎壺頭蔡家塾其東北則定海之招寶山後海塘其西北則慈谿之觀海龍山其東南則象山之爵溪及奉化之鮎埼裏港而鄞之所轄僅二十里內距縣東九十里而遙在十一都海浦中有洋求山產美

石

志

海潮入城之東北各有候初一日十六日子未午未平初二日十七日丑初未初平初三日十八日丑正未正平初四日十九日丑未未未平初五日二十日寅初申初平初六日二十一日寅正申正平初七日二十二日卯初酉初平初八日二十三日卯正酉正平初九日二十四日卯末

酉末平初十日二十五日辰初戌初平十一日二十六日
辰正戌正平十二日二十七日辰末戌末平十三日二十
八日巳初亥初平十四日二十九日巳正亥正平十五日
三十日巳末亥末平

寶巖志

明時寧波府置衛四曰觀海曰定海曰昌國而寧波衛則
附於郡城置所十曰龍山曰穿山曰霽橋曰大嵩曰錢倉
曰爵溪曰石浦前後所曰舟山中中中左所

隸鄞者惟大嵩一所置

巡檢司十有九其隸鄞者曰甬東曰大嵩復於津陸要衝
置關隘在鄞者曰東津曰西渡曰桃花明初皆置船防守
後裁革嘉靖中復置列兵船以備倭寇衝突大嵩所置烽
墩六設旗軍以瞭望聲息昌國戰船南哨則抵於松門北

哨則抵大嵩

嘉靖志

大嵩城明洪武二十年信國公湯和築東接海口南匯江流西北跨山距郡九十里高一丈七尺址廣一丈二尺周圍七百四十丈延袤四里有奇闢東西南北四門門各有樓穴水門於西門之側設釣橋羅以月城城之上有雉堞七百七十餘敵樓二十警舖二十五所城外自東南抵北凡三百三十二丈爲濠自西以際石山不設

嘉靖志

國朝順治十五年增高雉堞雍正八年移清軍同知分駐其地乾隆十六年發帑修築二十八年秋大風雨衝塌城身三段共二十五丈九尺并隳城堞一百五十九城樓亦多損壞知縣張又泰詳請興修三十一年奉文衛所城垣

俟各省郡縣城垣次第修竣後再行議修嗣後同知仍移郡城四十六年續塌五十餘丈城堞俱損壞四十七年又

塌三丈

縣冊

案大嵩濱海要地自湯信公築城以來迄今四百餘年日就傾圮今承平無事海波不揚興築似非急務然城中見有將士駐守前代防海遺迹具存因其舊而葺之以壯金湯之固設險衛民未可輟而不講也

大嵩所東連霽嶺南接錢倉以大嵩港舟師爲命大嵩港對峙非山直衝外海先年賊由此犯所城突慈巖地方極爲險要今撥戰船巡哨

籌海圖經

孝順洋白塗大嵩所界

地圖
綜要

大嵩千戶所轄十百戶所原額一千一百二十名嘉靖時

止三百九十六名軍職一十七員

地圖
綜要

大嵩所轄烽墩八曰大千

所治東六十五里
與梅山港相對

曰崑亭

後有
挺子

港相

曰黃崑

所治東五里後
有六橫山相對

曰尖碇

所治東一十五里前
有孝順洋東西兩島

曰港口

離城一里

曰橫山

所治南十五里又有橫
山隘在所治西十里

曰慈嶽

東二

十五里今鎮海縣東
南九十里有慈嶽山

曰蛤身

州治東二十里與海中溫
州城相對

浙江通志

國朝康熙初以提標前營兵一千名駐大嵩城及嶺崎鹽

場足頭湖頭渡四汛乾隆二十一年將前營原防大嵩汛

之馬步兵四百五名撤回郡城仍留三百五十名在汛防

守見在大嵩汛分駐馬兵十八名戰兵七十六名守兵五

十一名嶧崎汛分駐馬兵五名戰兵十九名守兵三十六名鹽場汛分駐馬兵五名戰兵十九名守兵五十一名足頭汛分駐馬兵二名戰兵十名守兵十八名湖頭渡汛分駐馬兵二名戰兵七名守兵六十六名

營冊

大嵩所東十一里至趙家臺與嶧崎汛接界西十一里至球琳臺與鹽場汛接界南十里至塗邊隔港面十餘里與象山營接界北至狹石嶺十五里與寧波城守營接界

嶧崎汛東五里至合甌汛之穿鼻山與崑亭汛接界西十一里至大嵩所城南十里至塗邊隔江而二十里與象山營接界北至鄞縣內地與寧波城守營接界轄臺一趙家臺鹽場汛東五里至大嵩橋又一里與大嵩所接界西

十里至足頭臺與足頭汛接界南十里至塗邊隔港面二
十餘里與象山營接界北至鄞縣內地與寧波城守營接
界轄臺三球琳臺黃牛嶺臺橫山臺 足頭汛東七里至黃
牛嶺與鹽場汛接界西二里至火爬嶺與湖頭渡接界南
五里至塗邊隔港面二十里與象山營接界北至鄞縣內
地與寧波城守營接界轄臺一足頭臺 湖頭渡汛海面
十里東十五里至足頭汛西二十里至風衙口西與應家
棚汛接界南臨塗邊隔港面十餘里與象山營接界北至
奉化縣內地與寧波城守營接界轄臺一長嶺臺

浙江通志

石浦之東北曰錢倉所錢倉去海三里前爲道人港有礁
曰金地闕其外有雞母礁稍南爲亂礁洋十里至東殊山

又十里至西殊山又西行三十餘里爲黃牛礁又十里爲
鄞之大嵩港浙江通志錢倉至大嵩港約百里南爲塗茨
烽墩外接竿門莆門等處西北至壺頭渡爲大嵩所界乃
昌國之籬籬與大嵩相犄角者名勝志大嵩有壺頭關
後移置象山之湖頭渡輿程記云鄞奉象之要口也由東
殊山北過孝順洋爲白馬礁有港曰雙嶼港五里至佛肚
山又五里爲汀齒山其東北爲桃花六橫爲朱家尖白馬
礁四十里爲溫州嶼又十里爲青龍港皆定海汛港之前
有小山三曰三山嶼係鄞縣汛港口有分水礁西爲梅山

港港口有管山臺又西北十里爲霽靄所

象山縣志

附乾隆五十一年會勘海洋分界案寧波府鄞縣爲請
定盜案等事本年二月二十八日蒙寧波府正堂陳批

卑縣具詳奉化縣事主夏士華呈報在黃牛礁洋面被
竊錢文一案移明各營縣訂期會勘另詳等情由奉批
查此案先據鎮海縣訊供通詳當經批飭會同該縣及
象山縣勘明失事處所實係何營縣轄照例辦理一面繪
黃牛礁失事處通詳察奪毋得推諉遲延致干嚴譴仍候
圖註說先行通詳察奪毋得推諉遲延致干嚴譴仍候
撫臬二憲批示繳等因蒙此該縣職遵即訂期於二月
二十九日會同鎮邑汪令象邑袁令併前營左營定中
營各汛員帶回事主夏士華等前赴該地勘得黃牛礁
一座係懸海石礁頭東尾西與北岸穿鼻山直對穿鼻
山脚立有界石載明西係鄞邑前營管轄東係鎮邑左
營管轄界石下有南北土塘一道直至海邊塘西係鄞
邑田畝塘東係鎮邑田畝詢之土人穿鼻山即因直對
黃牛礁頭而名蓋鄞鎮所指以劃界者也當令汛兵捕
役等帶同事主駛舟親至失事處所舉炮為號其地係
過礁迤東離礁約有三里舟職等均於界石前指認並
非鄞邑界內據定中營汛員認明係屬連界但所轄洋面
轄至縣境係屬鎮海所轄象邑雖屬連界該營旂頭汛所
係在礁之迤南距失事處尚隔數里除俟鎮邑通詳照
例嚴緝辦理外所有業經會同勘明並非與邑地界情
形合行繪圖詳報憲臺察核為此備由另冊具卷六終
申伏乞照詳施行奉本府轉詳各憲批准立案